



Broj: UP-I-KSI-09-11/23
Datum: 05.04.2023. godine

Na osnovu člana 25. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa, postupajući po službenoj dužnosti, u predmetu utvrđivanja povrede odredaba zakona od strane od strane T. D.-M., iz Brčkog, [REDACTED], direktor Zavoda za zapošljavanje Brčko distrikta Bosne i Hercegovine, nosioca javne funkcije, na 51. sjednici održanoj dana 05.04.2023. godine, donijela je sljedeće

RJEŠENJE

1. **UTVRĐUJE SE** da je T. D.-M., iz Brčkog, [REDACTED] direktor Zavoda za zapošljavanje Brčko distrikta Bosne i Hercegovine, kao nosilac javne funkcije postupila protivno članu 19. stav (1) i stav (2), i članu 20. Zakona o sprečavanju sukoba interesa u institucijama Brčko distrikta Bosne i Hercegovine, na način da dana 12.01.2022. godine u podnesenom Izvještaju o imovinskom stanju na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja-Aneks II, Komisiji za odlučivanje o sukobu interesa nije prijavila pokretnu stvar vrijednosti veće od 5.000,00 KM bračnog druga nosioca javne funkcije.
2. Za učinjeno kršenje odredaba Zakona o sprečavanju sukoba interesa u institucijama Brčko distrikta Bosne i Hercegovine, T. D.-M. se shodno članu 43. Zakona o sprečavanju sukoba interesa u institucijama Brčko distrikta Bosne i Hercegovine, izriče opomena.

Obrazloženje

Komisija za odlučivanje o sukobu interesa je po službenoj dužnosti Zaključkom broj: UP-I-KSI-09-11/23 od 09.02.2023. godine, pokrenula postupak za odlučivanje o povredi odredaba Zakona o sprečavanju sukoba interesa u institucijama Brčko distrikta Bosne i Hercegovine, protiv nosioca javne funkcije T. D.-M., direktora Zavoda za zapošljavanje Brčko distrikta Bosne i Hercegovine, jer je posumnjala u tačnost i potpunost podataka u podnesenom Izvještaju o imovinskom stanju na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja-Aneks II, zbog neusklađenosti između prijavljene imovine u Izvještaju o imovinskom stanju, podnesenom dana 12.01.2022. godine od strane nosioca javne funkcije Komisiji za odlučivanje o sukobu interesa i podataka prikupljenih od nadležnih organa i institucija o pokretnim stvarima vrijednosti veće od 5.000,00

KM za bračnog druga nosioca javne funkcije, jer nosilac javne funkcije nije prijavio odnosno unijela u Izvještaj o imovinskom stanju automobil marke ŠKODA, tip:5E, registarske oznake: [REDAKTIRANO] godina proizvodnje: 2013, vlasništvo P. M., bračnog druga nosioca javne funkcije, a da je vozilo vrijednosti veće od 5.000,00 KM, čime je postupila protivno članu 19. stavovi (1) i (2), te članu 20. Zakona o sprečavanju sukoba interesa u institucijama Brčko distrikta Bosne i Hercegovine.

Nosilac javne funkcije je istim zaključkom pozvan da Komisiji za odlučivanje o sukobu interesa dostavi izjašnjenje u roku od 15 dana od dana dostavljanja zaključka.

Nakon prijema Zaključka o pokretanju postupka, broj: UP-I-KSI-09-11/23 od 09.02.2023. godine, T. D.-M., direktor Zavoda za zapošljavanje Brčko distrikta Bosne i Hercegovine, kao nosilac javne funkcije je dana 28.02.2023. godine dostavila Komisiji za odlučivanje o sukobu interesa pisano Izjašnjenje u kojem, između ostalog, navodi da je učinjen nenamjeran propust, odnosno da je slučajno zanemarila da upiše podatak o suprugovom automobilu jer nije dovoljno upoznata sa odredbama Zakona o sprečavanju sukoba u institucijama Brčko distrikta Bosne i Hercegovine.

T. D.-M. je Odlukom o imenovanju direktora Zavoda za zapošljavanje Brčko distrikta Bosne i Hercegovine broj:04-253-12/21 od 23.02.2021. godine imenovana za direktora Zavoda za zapošljavanje Brčko distrikta Bosne i Hercegovine, te je shodno članu 2. Zakona o sprečavanju sukoba interesa u institucijama Brčko distrikta Bosne i Hercegovine nosilac javne funkcije i upisana je u Registar javnih funkcija i nosilaca javnih funkcija.

Članom 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine propisano je da je nosilac javne funkcije dužan u roku od 30 (trideset) dana od dana stupanja na javnu funkciju, podnijeti Komisiji Izvještaj, za sebe i bračnog i vanbračnog druga, djecu, druge članove porodičnog domaćinstva kao i lica prema kojima nosilac javne funkcije ima zakonsku obavezu izdržavanja, prema stanju na dan kada je izabran, odnosno imenovan, dok je stavom (2) istog člana, između ostalog propisano i da Izvještaj sadrži lične podatke nosioca javne funkcije i članova njegove uže porodice, uključujući JMB, podatke o funkciji koju nosilac javne funkcije obavlja, dok je tačkom b) istog člana propisano i da sadrži podatke o imovini, uključujući novac, račune u banci, poslovnu dokumentaciju, dionice, vrijednosne papire, obveznice, nepokretnu imovinu, stanarsko pravo i drugu imovinu i dobra u vrijednosti većoj od 5.000,00 KM, u BiH i inostranstvu.

Uvidom u Izvod iz matične knjige vjenčanih broj: [REDAKTIRANO] od 03.08.2022. godine utvrđeno je da je nosilac javne funkcije T. D.-M. dana 15.06.2014. godine sklopila brak sa P. M., te je zbog toga obaveza nosioca javne funkcije unijeti podatke o imovini svog bračnog druga u Izvještaj o imovinskom stanju.

Primjenom navedenih zakonskih odredaba na utvrđeno činjenično stanje, ocijenjeno je da u konkretnom slučaju postoji povreda Zakona o sprečavanju sukoba interesa u institucijama Brčko distrikta Bosne i Hercegovine, s obzirom na to da T. D.-M. nije u Izvještaju o imovinskom stanju podnesenom dana 12.01.2022. godine Komisiji za odlučivanje o sukobu interesa, unijela podatak o automobilu supruga, odnosno bračnog druga čime je postupila protivno članu 19. stavovi (1) i (2), te članu 20. Zakona o sprečavanju sukoba interesa u institucijama Brčko distrikta Bosne i Hercegovine.

Član 38. Zakona o sprečavanju sukoba interesa u institucijama Brčko distrikta Bosne i Hercegovine propisuje sankcije za nosioca javne funkcije koji postupi suprotno odredbama navedenog Zakona.

Komisija je, shodno članu 43. Zakona o sprečavanju sukoba interesa u institucijama Brčko distrikta Bosne i Hercegovine, prilikom odlučivanja o vrsti sankcije koju treba izreći u konkretnom slučaju, a pri tome vodeći računa o težini i posljedicama povrede Zakona, te činjenici da je T. D.-M., nosilac javne funkcije, predala Izvještaj o imovinskom stanju za 2022. godinu u kojem je upisala podatke o predmetnom automobilu, te se prema njenom postupanju i odgovornosti, ličnosti nosioca javne funkcije, odnosu imenovane prema kršenju odredaba Zakona kao i opredijeljenosti imenovane da postupi u skladu sa Zakonom, te otkloni razloge koji su doveli do kršenja odredaba Zakona kao i prouzrokovanoj posljedici, radi o očito lakšem obliku kršenja odredaba Zakona, koje nisu nanijele štetu integritetu javne funkcije koju T. D.-M. obavlja, Komisija je stava da izrečena opomena u potpunosti odgovara težini i posljedicama povrede Zakona.

Komisija je, cijeneći sve dokaze pojedinačno i u međusobnoj vezi, shodno članovima 4., 25. i 43. Zakona, donijela rješenje kao u dispozitivu.

Odluka Komisije bit će objavljena na službenoj Internet stranici Komisije.

POUKA O PRAVNOM LIJEKU:

Shodno članu 37. stav (1) Zakona, ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom Brčko distrikta Bosne i Hercegovine.

Predsjednik Komisije
za odlučivanje o sukobu interesa

Admira Mujić, dipl. pravnik

Dostavljeno:

1. T. D.-M., [REDACTED], Brčko,
2. Internet stranici Komisije,
3. Evidenciji i
4. Arhivi.